

et che *etiam* il cardinal Sguizaro ha seguito Sua Maestà. *Item*, che quelli di Brexa se tengono molto delusi, perchè dovendo haver de sei mesi, li ha dato *solum* dui raynes per homo, et li havea promesso de saldar e trarli da li; et ch'el campo rimasto in bergamasca e reduto a Pontolio, se era risolto in 4000 persone solamente; le qual nove è bone etc. Havemo da Lodi, che essendo corsi certi francesi a Santo Anzolo, 10 milia distante de li, quelli dil loco dimandorono soccorso a Lodi, dove vi andò il signor Marco Antonio Colona in persona con i suoi cavalli et 8 bandiere di fantarie, di le qual ne lassò una bandiera per presidio dil dito loco. Da Milan si ha, stanno pur cussi; non intendeno quanto habino deliberato. Ben è vero, che essendo ussito de Lodi il prefato Colona, il magnifico Gritti intende el sia per andar a Verona, et ha scritto di qui che di questo se fazi intender a Padoa al provedador Gradenigo etc. *Item*, esso podestà mandò la lista di le zente sono in Crema, *videlicet*:

*Homeni d'arme con li sui capi  
alozati in Crema e cavali lizieri.*

El signor Malatesta Bajon homeni d'arme . . .	80
<i>Item</i> , cavali lizieri . . . . .	40
El contin da Martinengo, homeni d'arme . . .	50
El signor Marian da Prato, cavali lizieri . . .	50
El signor Baldisera Signorello, cavali lizieri .	100
Spectabile Hannibal da Lenzo, cavali lizieri .	33

*Capi con provisionati pagati in Crema.*

Strenuo Antonio da Petra Santa . provisionati	117
Strenuo Christofal . . . . . »	91
Strenuo Guagni Pincone . . . . . »	217

*Capi con provisionati mandati in Crema  
dal campo e non pagati.*

Strenuo Antonio da Castello, . . provisionati	206
Strenuo Marco da Napoli, . . . . . »	114
Strenuo Hironimo da la Laura . . . . . »	124
Strenuo Zuan da Riete . . . . . »	68

81 *Di Vicenza, di sier Nicolò Pasqualigo podestà et capitano, di eri sera.* Come à auto una letera di Zuan Antonio Zen, et par Domenega, a di 13, zonse, et il Luni l'Imperador era certissimo a Trento.

— Morite, eri, sier Bortolamio Minio, fo podestà

a Padoa, vecchio di anni 85, qual era di zonta dil Consejo di X.

*A dì 18.* La matina, vene in Colegio uno nontio dil signor Theodoro Triulzi con *letere da Milan, di . . .*, qual scrive di queste occorentie, et si stagi di bona voglia etc.

Noto. Eri fo mandà a Padoa ducati 5000, parte per pagar quelle zente è li, et parte per mandarli ad Axola ed altrove.

Gionseno li 7 zentilhomeni stati a le porte di Padoa zorni 42, li qual à auto licentia non bisognando più, i qual à portato le letere dil suo ben servir; fono laudati dal Principe. Li nomi di quali è questi, e dove i erano:

Sier Polo Valaresso qu. sier Gabriel, al Portello.

Sier Marco Antonio da Canal qu. sier Francesco, a Ponte Corbo.

Sier Marco Antonio Erizo qu. sier Antonio . . . . .

Sier Andrea Capelo di sier Domenego, a la Saonarola.

Sier Lodovico Querini qu. sier Giacomo, al Bastion di San Zuane.

Sier Justo Guoro qu. sier Pandolfo, a Santa †.

Sier Piero Gradenigo qu. sier Anzolo, a Coalonga.

Vene Francesco Cherea nontio dil signor Gasparo di San Severino, dito Fracasso, con *letere di credenza, di 12, date a Spineda in cremonese*, qual si oferisse venir a' stipendi di la Signoria nostra.

*Di Grado, di sier Giacomo Diedo provedador, di 14.* Come, havendo ozi inteso i nimici di Maran aver fornito il bregantin per loro principato e butato in aqua, e voler quello meter in ordine con le do barche longe e venir asaltar le nostre barche longe sono nel fiume dil Tajamento sole senza altra compagnia, et perchè quel loco di Grado è senza custodia, suplicha sia provisto etc.

*Di Udene, di sier Lunardo Emo luogotenente.* Di quelle occorentie de li; e come è amalato, e si provedi di successor che vadi etc., perchè sier Giacomo Corner di sier Zorzi procurator, electo luogotenente, non vol andar a questi tempi. Scrive, i nimici di Maran vieneno a Ries, castello li vicino, et quelli si difeseno etc.

*Di Vicenza, di Bassan, e di Civaldi di Bellun, di sier Hironimo da cha' Tajapiera dotor, podestà et capitano,* in consonantia. L'Imperador esser a Trento; sichè horamai si tien sia certa questa nova.